

si ha di Roma zerca Andrea Doria, azio non venisse in Golfo, sia scritto a sier Alexandro da Pexaro, et Zuan Contarini proveditori di l'armada, dieno esser a Corfù, che subito un debbi con 12 galie venir a la volta di Monopoli per segurar quelle cose.

Et a l'incontro li Savii del Conseio et Terra ferma voleno che, dapoì le 20 galie andar deputate in Ponente, il restante di le galie vengi in Puia.

Et sier Lunardo Emo el Consier intrò in l'opinion di Savii ai Ordeni, *videlicet* volse

Fu posto, per li Savii, per l'andata di sier Alvise Barbaro proveditor a Ravenna, uno di 5 deputati a la expedition di la differentia tra la Signoria nostra et li frati di Santa Justina di Padoa, fo deliberà a di 22 Zener passato che li 4 potesseno per la maior parte dar execution, et atento sier Nicolò Tiepolo dotor è infermo, però sia preso che li 3 restanti possano tutti 3 d'acordo dar execution etc. justa la parte 25 Settembre 1526 presa, cusi volendo li agenti del monastero preditto; ma quando si expedirà la causa, dito sier Nicolò Tiepolo debbi intervenir. Ave: 132, 7, 7.

285 Et in la materia di mandar le galie in Puia, hora proposta, parlò primo sier Marco Antonio Corner savio a Terra ferma, dicendo esser stà promesso al re Christianissimo le 20 galie per mandarle in Ponente, et li soi oratori ha fatto istanza le se mandino. Però non s'ha a disordenar questo.

Et li rispose sier Bernardo Capello, savio ai Ordeni, dicendo che

Et poi parlò sier Zuan Contarini savio a Terra ferma per la sua opinion, dicendo

Et *demum* sier Lunardo Emo el consier parloe

Dapoi sier Gasparo Malipiero fo savio del Conseio, qual voleva

Andò le parte:

285* *Da Lodi, fo leto lettere del Venier orator nostro.* Come era stà preso uno corier con lettere di sier Francesco Contarini, orator a monsignor di San Polo, scriveva a la Signoria; il qual fo menato a Milan et presentato ad Antonio da Leva tolse le lettere, et lete, esso corier; qual poi fo lassato, udite che'l lexè forte, come esso orator avisava a Milan non esser 4000 fanti, et lui disse forte: « ne ho 12 milia. »

A di 6, la matina, *domenega*. Io non fui fuor di caxa per la morte di nostra sorella madonna Maria Dolfin, fo moier di sier Zacaria, qual morite hore 2 avanti zorno questa notte, stata longamente amalata.

La terra di peste, heri, uno, et di altro mal . . . In questa matina in chiesa di San Zacaria fo cantata una messa solenne, per l'altra compagnia nuova ditta i *Floridi*, numero 26, con la calza, di quali è signor, over prior, sier Marco Foscolo qu. sier Zacaria, vestito di damaschin cremexin a manege averte fodrade di raso cremexin, et bareta di veludo negro, con do zoielli belli et cadena d'oro: consieri sier Fantin Querini et sier Antonio Erizo.

Dapoi la messa solenne et fato le cerimonie, come io intesi, veneno a San Marco in piazza, a do a do con le trombe et pifari davanti. *Demum* con le barche, a un per barca, a do remi, con famegli vestiti di seda et calze di seda con divisa, veneno a San Polo a chà Foscolo del prior dove disonorono: et hozi si fa festa con done invitate, et cenerano *etiam* li con i loro mariti et altri a spexe del prefato prior, per causa si maridò, et non dete la cena. Li compagni preditti sono questi: vestidi numero 25.

Li compagni Floridi sono questi:

Sier Marco Foscolo qu. sier Zacaria prior, maridato
Sier Antonio Erizo qu. sier Sebastian, maridato,
consier

Sier Jacomo Gusoni qu. sier Vincenzo l'avogador

Sier Marco Bolani, qu. sier Alvise

Sier Francesco Emo di sier Lunardo

Sies Fantin Querini qu. sier Zuane, damaschin negro, consier

Sier Antonio Marzello qu. sier Francesco, damaschin negro

Sier Antonio Marzello di sier Hironimo, qu. sier Antonio

Sier Francesco Nani di sier Bernardo

Sier Agustin Nani di sier Polo, maridado

Sier Andrea Duodo di sier Piero

Sier Zuan Balbi di sier Marco

Sier Zuan Francesco Dolfin qu. sier Alvise

Sier Andrea Marzello di sier Hironimo

Sier Zuan da Leze di sier Priamo, maridado

Sier Francesco Mozenigo di sier Lazaro, camerlengo

Sier Jacomo Minoto di sier Lunardo, maridado

Sier Antonio Bembo qu. sier Vincenzo